

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Općina Teočak**  
**Općinski načelnik**  
**Broj: 02-11-1107-8/20**  
**Teočak, 21.09.2020. godine**

Na osnovu člana 64. stav (1) tačka b), člana 70. i člana 87. Zakona o javnim nabavkama („Službeni glasnik BiH“ broj: 39/14), te člana 43. Statuta općine Teočak („Službeni bilten općine Teočak broj: 5/08 i 2/12), a na preporuku Komisije za javne nabavke Općinski načelnik d o n o s i:

### **ODLUKU**

o rezultatima okončanog postupka javne nabavke i izboru najpovoljnijeg ponuđača

#### **Član 1.**

Prihvata se preporuka Komisije za javne nabavke broj: 02-11-1107-7/20 od 21.09.2020. godine, te ugovor za zamjenu stubova ulične rasvjete u općini Teočak se dodjeljuje ponuđaču: „Tuzex“ doo Tuzla, ponuda broj: 78-09/20 od 18.09.2020. godine, za ponuđenu cijenu od 10.164,00 KM bez PDV-a kao najbolje ocijenjenom ponudom nakon održane e-aukcije.

#### **Član 2.**

Prijedlog Ugovora dostavit će se na potpis izabranom ponuđaču: „TUZEX“ doo Tuzla, sa sjedištem u ulici Bosne Srebrene bb, 75000 Tuzla.

#### **Član 3.**

Izabrani ponuđač je obavezan u roku od 5 dana dostaviti dokaze o činjenicama navedenih u izjavi iz člana 45. Zakona o javnim nabavkama BiH i Obrazac za cijenu ponude korigovan na cijenu ponuđenu putem e-aukcije.

#### **Član 4.**

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.



## Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-1107-1/20 dana 07.09.2020. godine. Javna nabavka je provedena putem konkurentskog zahtjeva za dostavu ponuda, broj obavještenja sa portala javnih nabavki: 98-7-3-31-3-9/20. Procijenjena vrijednost javne nabavke bez PDV-a je 11.250,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-1107-4/20 dana 18.09.2020. godine, Zapisnik o pregledu i ocjeni ponuda broj: 02-11-1107-6/20 od 21.09.2020. godine i Preporuku za izbor najpovoljnijeg ponuđača broj: 02-11-1107-7/20 u postupku javne nabavke zamjene stubova ulične rasvjete na području općine Teočak.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 4 (četiri) i to ponude od: „Arcade“ doo Tuzla, „Energosistem“ doo Brčko, „Vizija“ doo Visoko i „Tuzex“ doo Tuzla
- ukupan broj blagovremeno zaprimljenih ponuda je 4 (četiri) i to ponude od: „Arcade“ doo Tuzla, „Energosistem“ doo Brčko, „Vizija“ doo Visoko i „Tuzex“ doo Tuzla

Kriterij za ocjenu ponuda je najniža cijena.

Tehnički, pravno i ekonomski gledano, ponude od sva četiri ponuđača su bile prihvatljive. Ukupne cijene po ponuđačima su bile sledeće: : „Arcade“ doo Tuzla sa ukupnom cijenom od 11.175,00 KM, „Energosistem“ doo Brčko sa ukupnom cijenom od 11.250,00 KM, „Vizija“ doo Visoko sa ponuđenom cijenom od 11.235,00 KM i „Tuzex“ doo Tuzla sa ponuđenom cijenom od 11.250,00 KM. Sve navedene cijene su bez obračunatog PDV-a. Nakon održane e-aukcije dana 21.09.2020. godine sa početkom u 9:00h formirana je nova rang lista ponuđača sa sljedećim redoslijedom (cijene su bez obračunatog PDV-a):

1. „Tuzex“ doo Tuzla sa ponuđenom cijenom od 10.164,00 KM - najpovoljnija ponuda
2. „Arcade“ doo Tuzla sa ponuđenom cijenom od 10.176,00 KM
3. „Energosistem“ doo Brčko sa ponuđenom cijenom od 10.200,00 KM
4. „Vizija“ doo Visoko sa ponuđenom cijenom od 11.235,00 KM

Komisija je dala preporuku Općinskom načelniku da prihvati ponudu od ponuđača „Tuzex“ doo Tuzla jer je njome bila ponuđena najniža cijena koja je ujedno proglašena i najpovoljnijom za Ugovorni organ.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.



U postupku ocjene provedenog postupka, ugovorni organ općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.


Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

### **Pouka o pravnom lijeku**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostavljeno:

- ponuđačima
- a/a



Općinski načelnik

Tajib Muminović